

«تورک یوردی» نلک آبونلرینه هدییه اولاروق تقدیم
ایده مکی رساله و کتابلرک آدلری و مندرجه لری
قیاغلک اویغنجی و دردنجی صحیفه لرینه باصیلیمشور.

تورک یوردی

ناشری : تورک یوردی
مدیری : آق چوره اوغلی یوسف

۱۱۶ صائی ۱۰ جلد ۵ ییل

۱۸ آغستوس ۱۳۳۲

۱۲ صائی ۱۳۳۲
۱۹۱۶ ییل

۲ ایل ۸ ی جمع ، ۳،۷ ی ۸،۹ ایل دوز و ضرب ایدمه یین ابتدائی صوک صنف طلبه سی مفرداتده وارد دیرک فائض ، اسقونه او مسئله لری ایل مشغول ایتده هیچ بر فائده متصور دکلدرد .
ابتدائی لمزده حسابچی ، تاریخچی ، لسانچی دکل فکری تربیه آلمش قافالر یتشدیرمک ایسترد .
پروغرام (فکری انضباط) ی تأمین ایچون معلمک اندم بر رهبر اولورسه مفیددرد . یوقسه معلم ، اوراده کی موادی چوجوقلره اوقوتقی ایچون پروغرامی بر کتاب تلقی ایدمه دسه ، نابیه سز پروغرام پک مضر برشی اولور . پک چوق ماده لری جدآ واقفانه اولان ۱۳۳۱ تموز تعلیماتنامه سنک (۶۱) نجی ماده سی بالخاصه شایان دقتدرد : بوماده ، درس لری طاقلره آیرمشدر :

(قرآن کریم و علوم دینه) (ترکیه : قرائت ، املا ، صرف و نحو ، تحریر ، منظومه ازبری ، یازی) (مصاحبات اخلاقیه) (حساب و هندسه) (تاریخ و جغرافیا) (اشیا درس لری و زراعت) (اداره بیتیه و طباحت : قیز مکتب لری ایچون) (رسم و آل ایش لری) (اجنبی لسان - نمونه مکتب لرنده) نوط تقدیرنده بوطاقلر نظر دقته آلیناجقدرد .

ابتدائی مکتب لری نیک غایه سی برداها دوشونولونجه طاقلر تشکیلک نه قدار اهمیتلی اولدینی تظاهر ایدمه . خلق مکتب لری حساب مکتبی ، جغرافیا مکتبی ، رسم مکتبی ، جناسیق مکتبی ... دکلدرد . بر مکتبده حسابدن اوره آلان چوجوق جغرافیادن بر آلمشه او مکتب وظیفه سی آکلایامامش و یایامامش دیمکدرد . درس لک ابتدائی لردمه هیئت مجموعه سیله آنجاق بر قیمتی واردرد ؛ تکر تکر هیچ بری چوجوغنی حیات ایچون ، جمعیت ایچون حاضر لایامیه کافی دکلدرد . طاقم مسئله سی بومقصدله آتیلش خیرکار بر آیدمرد ؛ امید ایدمه رزکه معلم لرمز بومسئله یه لایق یله اهمیت ویررلر ؛ و چوجوقلرمز اسراف قوادن ، موازنه سز لک دردندن قورتارمش اولورلر .

نافع عطف

تورک دیواننده

نمجه وایرانده عثمانلی اوردولری

جهان جنکی باشلانلی بری آوستریا و آلمان تبلیغ نامه لری دقتله تعقیب ایدلر ، (لوبلین) ، (لوف) خصوصیه صوک زمانلرده چوق کچن (بوجاش) اسلرلی اوقودجه ، البته بر هیجان ، غرور و تأثردن متولد بر هیجان طویقمده درلر . او اسلر دلالتیله همیز اعدادیده ایکن از برلر یکم کوریلرلر دورینک « لهستان سفر هایونی » و بوجاش معاهده سی « فصلنی خاطر ایورز : « موکب هایون ایساجیدن طونه یی کچرک (خوتین) طریقله حدود لهستانه داخل اولوب او دیارک اک متین قلعه سی عدا اولونان قامتیجه تحت تضییق عسکر ظفر رهبرده الامان نیازی ایصال سمع عالی ایتمکله صلحا فتح و اشغال و جیش منصور پودولیا ایالته ادخال ایدلدی . (ایلو) یعنی (لبرغ) و (لوبلین) بلده مشهوره لری و اطراف و جوانبده کاش پلقه لر اوردده دست سطوت و معنوره لر قاعده زمانه وجهله یغما و غارت ایدیلرک اعدا خوف نهر ایله مصالحه استدعاسنده بولمغه اقامتگاه هایون اولان (بوجاش) موقعنه صرخصلر و رودیله عقد معاهده و تجدید موالات قیلندی (۱۰۸۳) . شرائط اساسیه سی پودولیا ایالی دولت علیه یه و او قرائن قزاقلره ترک اولونمق و له قرائنی طرفندن سنوی بکرمی ایکی بیک آلتون ویریک ایدی . دوروشنقو رویال عتبه علیا اوله رق حکومتبه اقعاد اولندقدن صوکره موکب هایون ادرنه یه و سلیم کرای قریعه عودت ایتدیلر .

برقاج سنه صوکره (۱۰۸۹) ، (بهرین) سفری و لوغ بولدی . الیوم بولتاوا ولایتک ذبیر حوارینده

بر قضا مرکزى اولان (جهرین Cigirin) ، او زمانلر ساری قامش قزاقلرینک مرکز حکومتی ایدی . اولجه « جانب سلطنت سنییه دخالت ایدن ساری قامش قزاقلری خطمانی دوروشنقو ضرور ومتلون بر حریف اولقله بوکرده . نفض عهد و بیعت ایله روسیه لویه تمایل و دارالحکومتی اولان جهرین قلعه سنی چاره تسلیم ایلش ایدی . » عثمانیلر جهرین اوزرینه یورورکن موسقوفلرک ۱۰۰ بیک صابیلی بر اوردوسی ده ، اورای مدافعه ایدیوردی . عثمانلی اوردوسی جهرین قلعه سنی ضبط ایتدی . بوراده عثمانلی اوردوسی موسقوف اوردوسی ایله ایلک دفعه چارپشمشدی .

کوریلورکه عثمانلی بویوک فتوحات دوره سی دستاننک خانمسی بورالرده ، لهستانده ، غالیچیاده ، اوقرانیاده آتله ، قانله یازیلشدر . بینه کوریلورکه عصرلرجه دوام ایده جک عثمانلی - موسقوف مصارع سی ده بورالرده باشلامشدر . عثمانلی تورکلرینک یکی بر حیاته کچمک عزم و املیله چیریندقلری صرهدده باطلایان جهان جنکنده عثمانلی اوردوسنک ، اک امانسز و اک طیبی دشمنی اولان روسلرله اوروشمق ایچون ، اولرله ایلک غوغایه کیریشدیکی قطعه ده ، لهستان و اوقرانیاده تکرار صف حربه داخل اولمسی ، تاریخنک تأمله شایان تصادفلرندندر . ایلک مصادمه عثمانیلرک غلبه و فتحیله ختام بولمشدی ؛ اللهدن نیاز ایدرزکه بوکونکی صاواشده موسقوفلرک قهر و تشکیل اولنمسیله نهایت بولسون !

عثمانلی تاریخنک پارلاق دورلرنده ایکی عسکری عنعنه واردر ؛ اوردولریمز دایما نمچه و ایران سفرلرله اوغراشیرلر . بوسفرلر ، شبهه یوق ، اوردویه فتوحات ، شان و شرف قزانیدردی ؛ اوردو و بلکه دولت خزینه سنک مهم بر واردات منبى بوسفرلر اولدی . فقط بو سفرلر ، استقبال کوزده طوتیله رق ایی دوشونلش برسیاستک ، سیاست داخلی و خارجییه نک ایجاباتدن ایدی ، دنیه من . مجارستان آقین و استیلالرینک عثمانلی دولتنک کولکشمه سی ، صاغلاملاشمه سی ایچون نه کبی فائده لری طوقوندیغی آریابوب بولق خبلی زوردر . یاووز سلیم ، ایرانه معین و اساسلی بر مقصدله حرب آپشمدی . فقط اوغلی و خفیدلری ، کجیجی و اهمیتسز وسیله لرله ، نره یه ایرمک ایسته دکلیغی بلکه کندیلری ده آچیق تعین ایدمندن ایرالیه جنکشدیلر ، طوردیلر . نمچه و ایران سفرلرنده عثمانلی اوردولری عرقداش مجارلرله ، دینداش مجملرله محاصره ایدیورلردی . واقعا صوکره لری ، برطاقم مجار بکاری عثمانلی بادشاهنک واصلی اولمیی قبول ایتدکلرندن ، اوروبای مرکزیه یه ایلروله یین اوردولریمز ، مجار عسکری ایله برلشوب حربی یالکیز نمچه چاسارینه قارشى دوام ایتدیرمیش ایه ده ، ایران - عثمانلی مناسباتی ، تا صوک زمانلره قدر تام دوستانه بر شکل آلامشدر . ایکی اک قوتلی اسلام دولتی آرهنده ، اوللری بعض دینی سوء تفهملرک ، صوکره لری بعض اجنبی تلقینلرک نتیجه سی اوله رق بکون ایدن وادامه اولونان صوئوقلق ، هر ایکی دولته صوک درجه ضررلی اولمشدر . تورکیه و ایرانده متفکر و صمیمی هیچ بر فرد بو حقیقی انکار ایده من . عثمانلی سلطنتی ایله هابسبورغلر دولتنک اشتراک منافعی ۱۹ نجی عصر ایتدیرلندن اعتباراً آکلاشیلشمشدر . ایران ، تورکیه و آوستریا - مجارستان ، بریجی ، ایکی عصر دنبری عین تهلیکبه ، موسقوف تهلیکسه معروضدرله روسیه نک صیجاق دکزلر آریان صولتی ، ایلک اوکجه مرکزده اولان تورکیه یه چارپدی . جناحلری تشکیل ایدن ایران و آوستریا ، اوللری تورکیه یه جدی معاونت ایتدیلرسه ده ، صوکره لری ویانه قاپینه سی جغرافی ، اتنوگرافی و سیاسی وضعیت و مناسباتی پک ایی تقدیر ایتدی . آرتق بزده ده بویوک سلیماندن قانله ایران و نمچه سفرلری عنعنه سنک دیکشمه سی اقتضا ایدردی . ۱۸ نجی عصرده فرانسزلر تورکیه ، لهستان واسوچدن مرکب بر اتفاق مثلث سدی ایله روسیه نک طاشمه سنه مانع اولقی ایتدکلری کبی ، ۱۹ نجی عصرده ، عین آفته قارشى آوستریا - مجارستان ، تورکیه و ایراندن مرکب بر اتفاق مثلث حصوله کللیدی . عثمانلی اوردولری ، سلیمان قانونی و خلفلرینک اوردولری کبی خصم اوله رق دکل ، مشترک دشمنه مقابله ایچون متفق و معاون اوله رق ، نمچه و ایرانه داخل اولایدیلر . یازینی که ۱۹ نجی عصر بونی کورمندن کچدی ، کیتدی . آننجق ۲۰ نجی عصرک ربع اولنده ، شو جهان جنکی ائشاننده ، بو طبیعی وضعیتک تحدتی کوروب سونیورز : بوکونلرده عثمانلی اوردوسی بر طرفدن ایران شاهلتنک استقلاللی روس تعرضندن محافظه ایچون ، دینداشلریمز ایرانی مجاهدلرله بر آراده (بغداد) دن ایلرولیرک (همدان) داخل اولدیغی کبی ، دیگر طرفدن عرقداشلریمز مجارلر و دوستلریمز جرمنلرله برلکده

هابسبورغ قیصرلرینک ممالکنی موسقوف مجوملرینه قارشى مدافعه ایتکده در . بوکونک نجه وایران سفرلری ، « دور شکوه و اقبال » مزده کی عین سفرلردن ، سیاست جهتیله ، عثمانی منافع حقیقیه سنه ده موافق بر غایه تعقیب ایتدیکی محققدر .

عثمانی سیاست خارجه سنک ۱۸ نجی عصر میلادیده تأسس ایدن برعنعنه سی ده موسقوفلره قارشى لهستانک محافظه استقلالى ایدی . بو ایجه یرلشمش ، عادتاً عقیده حالته کلش بر طرز سیاست ایدی ؛ بر آرائق عثمانیلر لهستانی قورتارمق املیه کندى استقلاللارینی تهلکهیه دوشوره یازدیلر . قریک ضیاعی ، قره دکزک روسلره تماماً آچیلماسی ، نهایت غایت مضر قاینارجی معاهده نامه سنک امضالانعه سی ، هب لهستانک محافظه استقلالى اوغرتمده کیریشیلن موسقوف سفرلرینک مششوم نتیجه لرندندر . واقعا لهستان قورتاریلامادی ، دولت عثمانیه ده جوق شی غائب ایتدی . لکن ، شوده شبهه سزددرکه لهستانک وجودی ، تورکیه نك تمامیت ملکیه سی ایچون لازمدی . لهستانک استقلالى مدافعه ایچون روسلره آچیلان حرب ، سیاستجه مصیب ایدی . مطلوب نتایجک استحصال ایدیلمه یشی ، حربک سیاسی بر خطا اوله سندن دکل ، عسکری نقایصندندر . بر مستقل لهستانک لزوم واهمیتی دولت عثمانیه ایچون ، بوکونده زائل اولامشدر . لهستان استقلالى قزانوب روسیه دن آیریلیرسه ، موسقوف تهلکه سی اکیلمش اولور ؛ هله اسکى زمانک صارى قامش وزاباروغ قزانلری مملکتی دیک اولان اوقراینا مختارینی آلدله ایدرسه ، موسقوف تهلکه سی پک زیاده اکیلمش اولور . بالعکس موسقوفلر ، آوستریا - مجار تبه سی اولان اسلاولری ، روسیه ایمپراطورلغنه الحاقه موفق اولورلرسه ، دولت عثمانیه ایچون سوک درجه ده بوپوک برتهلکه باش کوسترمش اولور . بو جهتله غالیچیا ده هابسبورغلر مملکتی مدافعه ایدن ، لهستان اوقراینا ی موسقوف بویندرغندن قورتارمه یه چالیشان عثمانی قهرمانلری ، عین زمانده ممالک عثمانیه یی ده مدافعه ایدیورلر ، قافقاسیا و قریم ده قورتارمه یه چالیشیورلر ، دیمکدر .

غزته لریمز ، بوکونلرده لهیلرک بر تفالنى جوق تکرار ایتدیلر ، لهیلر دییورلرمنش که : « تورک آتلیلری و سله دن سو ایچدکلى کون ، لهستان قورتوله جقدر . » اللهه جوق شکر اولسون ، بوکون ، ابکیوز ، ابکیوز اللى سنه اول اولدینی کبی ، تورک آتلیلری و سله دن سو ایچورلر ، انشا الله لهستان یاقینده قورتوله جقدر . فقط تورک لکده بر تفالنى وار : لهستان قورتولدینی کون ، موسقوفلر قره دکز قییسندن چکیله جکلردر...

س . ع .

وفیات

عمر ناجی نك وفاتی . — تورکلرک آتشی و ایمانلى خطیبی ، بویوک امللى سیاسى عمر ناجی بک بویوک املنه ایرمک ایچون حیاتی بوینجه جهاد ساحه سی اوله رق انتخاب ایتدیکی قافقاس و آذربایجان جوارنده قهرمان عثمانی اوردوسی ایچنده تکررییه اولاشمشدر . الله غنى غنى رحمت ایله سین ! « تورک یوردی » نك تأسسده یاردیمی طوقونان مرحومک شخصیتدن ، خدمتلرندن ایلروده اوزون اوزون بحث ایدله جکمز . شمدیلک یالکمز بوالملی خبری و یروب ، عائله سنه تعزیتلریمزى بیلدیرمک وظیفه سنى ایفا ایدیوروز . « تورک یوردی »